

JOHANN FRIEDRICH JUGLER

**Iohannis Friderici Iugleri Oratio de
Ciceronomania eruditorum, recitata publice**

Weissenfelsae : Richter
1744

EOD – Millions of books just a mouse click away! In more than 10 European countries!



Thank you for choosing EOD!

European libraries are hosting millions of books from the 15th to the 20th century. All these books have now become available as eBooks – just a mouse click away. Search the online catalogue of a library from the eBooks on Demand (EOD) network and order the book as an eBook from all over the world – 24 hours a day, 7 days a week. The book will be digitised and made accessible to you as an eBook.

Enjoy your EOD eBook!

- ⌚ Get the look and feel of the original book!
- ⌚ Use your standard software to read the eBook on-screen, zoom in to the image or just simply navigate through the book
- ⌚ *Search & Find:* Use the full-text search of individual terms
- ⌚ *Copy & Paste Text and Images:* Copy images and parts of the text to other applications (e.g. word processor)

Terms and Conditions

With the usage of the EOD service, you accept the Terms and Conditions provided by the library owning the book. EOD provides access to digitized documents strictly for personal, non-commercial purposes. For any other purpose, please contact the library.

- ⌚ Terms and Conditions in English: <http://books2ebooks.eu/odm/html/utl/en/agb.html>
- ⌚ Terms and Conditions in Estonian: <http://books2ebooks.eu/odm/html/utl/et/agb.html>

More eBooks

Already a dozen libraries in more than 10 European countries offer this service.

More information is available at <http://books2ebooks.eu>

6497. IOHANNIS FRIDERICI IVGLERI
IN REGIMINE SERENISSIMI DVCIS SAXO-QVERFVRT.
6498. ET VVEISSENF. ADSESSORIS

8
6 ORATIO
DE
CICERO NOMANIA
ERVDITORVM,
RECITATA PVBLICE,

QVVM
IN ILLVSTRI GYMNASIO
VVEISSENFELSENSI
IVRIS NATVRALIS, POLITICES, ELOQVENTIAE
ET
HISTORIAE LITTERARIAE
PROFESSIONEM ORDINARIAM

D. XXIII. M. SEPT. CIO 10CC XXXXIII.
AVSPICARETVR.

HORATIVS EPIST. LIB. I. EPIST. 19.
*O, imitatores, seruum pecus, vt mibi saepe
Bilem, saepe iocum vestri mouere tumultus !*

VVEISSENFELSAE, LITTERIS RICHTERIANIS.





EX BIBLIOTHECA
CAR. MORGENSTERN

6497.8.6498

DE

CICERONOMANIA*) ERVDITORVM

ORATIO IN AVGVRALIS.

Fuit haec singularis quondam, et incredibilis prope, in republica litteraria superstitione, A. O. O. H. vt, si protulissent saecula praeclarum aliquem virum, summaque rarioris doctrinae gloria eminentem, ille non magni solum fieret, et in ore ac sermone omnium versaretur, verum etiam diuorum

a 2

qua-

*) Composui hanc vocem exemplo confirmatus aliorum. Sic habemus voces Ciceronaria, doçouaria, βιβλιονομία etc. Vocem Faudouaria adhibuit MOR-

IV.

quasi numero adscriptus, eiusmodi discerneretur a reliquis mortalium cultu, qui non potest non sapientissimo rerum opifici displicere, maiestatemque ipsius longe gravissima violare iniuria. Quo de argumento pleni sunt litterarum annales, et ex venerabili Theologorum ordine illustria nobis ostendunt, prae caeteris, nomina Cypriani atque Augustini, quos Patrum titulo vulgo insignitos coeca satis pietate, sanctissimi simulacri instar, venerata est et adorauit posteritas. In illius enim honorem Carthaginenses, EVAGRIO teste, *) magnificentissimum, extra urbem ad littus maris, templum exstruxerunt, festoque die, quotannis celebrato, memoriam viri esse voluerunt aeternam: huius autem virtutes ac merita tantis ornata laudibus fuerunt, ut modo *sal terrae*, et *lucerna super candelabrum ecclesiae posita*, modo *flagellum haereticorum*, modo *pater theologorum*, in quo nullus error, cui *nemo debeat contradicere*, modo *Hercules Christianorum et orbis magister* diceretur. **)

In ICTORUM historia nostris praecipue oculis obueniunt Bartolus et Baldus, elegantes illi, si Deo placet, homines, qui olim, repurgata nondum a sordibus suis, pristinoque nitoris restituta iurisprudentia, in deliciis atque amoribus habitu, abiiciuntur hac nostra aetate, et sola appellatione aures, nobilioribus adsuetas nominibus, offendunt. *Quis, quaeso, vultu ad seueritatem omnem composito*

HOFIVS in Opusc. de Patauinitate Liuviana c. XIIII. p. m. 577. in Diff. eiusdem coniunctim excusis. De πατεριδουανια eruditorum Vir illustris, IO. GVIL. a BERGER, elegantem edidit Dissertationem Vitemb. 1723. et, eodem anno, Lipsiae alias de Titulomania eruditorum CAR. HENR. HEEGIVS.

*) *Historiae Eccles. lib. IV. cap. 16.*

**) v. Venerabilis IO. CHRISTOPH. KOECHERI cultissimus libellus de *Iadolatria litteraria*. Hannou. 1738. 8. pag. 35.

posito legerit, alterum horum passim vocari *lucernam iuris*, optimum aurigam in ciuili prudentia, lucem coecorum, *Numen*, vel saccum, legum, Seraphicum, omnipraesentem et omniscium, qui ubique sit, et nihil non dixerit; *) alterum contra uberrimum iuris fontem, iuris veriusque Monarcham, diuinum, qui omnia sciat, **) non vna profecto lingua celebrari?

Neque desunt inter Medicæ artis peritos, quos effusione quidam impetu ad excelsius humana sorte dignitatis fastigium euhere conati sunt. De Hippocrate, Medicorum sine controversia principe, tam honorifica certe apud ciues suos existimatio fuit, vt non facile mentionem eiusdem iniicerent, nisi exquisitam laudis praefationem praemisissent, vt ponerent illi statuas, &c, ne quid ad veram diuini cultus speciem desiderari videretur, victimas etiam ac preces, quam poterant religiosissime, offerrent. ***) Galenum pariter vt Deum coluisse non nullos, Eusebius memorat, ****) et si prima Christianorum repetamus tempora,

a 3

Medi-

*) v. IAC. CVIACII *Observat. lib. XIII. cap. 16. p. m. 403.* edit. Halensis cum praef. Heineccii, POPE-BLOVNT in *Censura celebr. auct. p. m. 435.* IAN. VINC GRAVINA *de ortu et progr. iur. civil. cap. 164. p. 120.* edit. Mafcouianaæ, KOECHERVS l. c. p. 49.

**) MARCVS MANTVA, PATAVINVS, *in epitome viror. illustrium, p. 449.* apud PANZIROLVVM de clar. LL interpretibus, editum Lipsiae 1721. 4.

***) v. HERM. CONRINGIVS *Introd. in artem medic. cap. III. § 8. pag. 85.* edit. Helmst. anno 1687. 4. et NIC. HIER. GVNDLINGII *Otia P. II. c. 3. p. 88, 89.* cf. DAN. le CLERC dans *l Histoire de la Medecine, à Amsterd.* 1723. 4. mai. Prem. Part. livr. III. chap. 32. p. 251. IO. PHIL. BVRGGRAFII *Diss. epist. ad Frid. Hoffmannum Libitina ouans satis Hygieae inscripta, et edita Frf. ad M. 1701. 8. p. 10.* et HENRICI LAMPE V. C. erudita Diss. historico-iuridica de honore priuilegiis et iuribus singularibus Medicorum, Gröning. 1736. 4. mai. cap. II. § 18. p. 75.

****) *Histor. Eccles. lib. V. cap. ult.*

Medicorum animaduertimus complures, in Sanctorum virorum locum atque ordinem cooptatos.*)

Quantam vero, A. O. O. spectatissimi, quantam exemplorum nubem in Philosophorum coetu conspicimus, quae recensere ac persequi singula ob suscepit consilii rationem non licet! Omnim igitur nomine prodeat Aristoteles, in quem Peripateticorum ducem quam vesanius maiorum nostrorum, per tot saeculorum decursum, sine modo ac fine euagatus amor fuerit, exinde potest intelligi, quod haec sola, quae ille crediderat, praevio examine nullo exploratae esse veritatis putabant, et in plerisque Germaniae Academiis ad vnicam Stagiritae regulam iureiurando alligabant nouos Philosophiae Doctores; quod scripta eius, sepositis dicam? an spretis plane diuinorum oraculorum libris, in aede sacra interpretabantur; imo, ne ridicula, quibus eum commendarunt, elogia recitem, quod Sanctum quendam esse, e coelo in terras delapsum, manibus pedibusque contendebant.**)

Longius denique procurrens tam factiosus, alios extollendi, furor in ipsam etiam Latinae linguae regionem penetrauit, et virorum quorundam doctissimorum animos abripuit penitus in venerationem Ciceronis, ita quidem, ut ex vniuersis amoenioris stili scriptoribus hunc vnum in oculis ferrent, vnum lecitarent, vnum iudicarent dignissimum, ad quem imitandum exprimendumque omni se cura et labore adcommodarent. Vix, opinor,

er-

* Laudatus LAMPE l. c. §37. p. 129. et, cuius ibidem meminuit, Diff. de Medicis ab ecclesia pro sanctis habitis, auctore CHRIST. BENED. CARPZOVIO.

**) Cum primis hic enolut meretur celeb. KOBCHERVS l. c. a pag. 58. usque ad p. 73. cf. IO. FRANC. BVDDEVIS in Histor. Ecclesiast. Veter. Testam. T. II. Periodo 2. sect. 6. §13. p. 1973.

errauero, si talem superstitionem, ineptam perinde atque incommodam, adpellauerim *Ciceronianam*: de qua conuenienter ad statum praesentem loquar forsitan, vbi solemni oratione suscipiendum nunc, et sustinendum in posterum est eloquentiae et historiae litterariae, in illustri hoc Gymnasio docendae, munus, cuius causa, iam aliquot abhinc mensibus, SERENISSIMUS PATER eiusdem me clementissime hic vocauit. A Vobis propterea, *Splendidissime Augusti Principis Legate*, et caeteri, quotquot adesse laetor, Auditores excellentissimi, summe ac plurimum venerabiles, grauissimi, nobilissimique, a Vobis demisse, et, qua fas est, obseruantia, peto, ut, quo vilioribus vel naturae, vel doctrinae, praefidiis ad recte ornateque dicendum paratus accessi, eo maiori me gratia et fauore subleuare velitis.

Enarrant ergo mihi Ciceronianiae capita potiora, ante omnia in originem atque caussam inquirendum esse video, quae intolerabile hoc vitium produxit primum, productum corroborauit, corroboratum autem in isto collocauit loco, de quo dimoueristatim tollique funditus non posset. Vix enim collaleuauerant, et vitae nonnihil ac vigoris receperant, despectae diu in barbara aetate, animamque velut agentes Musae Latinae, quum nouum illis dedecus imprimarent, notios morbos concirent, et ipsas iam exequias minarentur inficeti quidam homines, omnique verborum concinnitati hostes infestissimi. Qui ut vulgari eximerent se turbae, ut in usitati quidquam introducerent, et, quod aliis forte modis efficere non contigerat, nominis sui famam in plurimas propagarent orbis partes, inauditio adhuc exemplo dicendi genus affectabant, quod non obscurum tantum esset, ac difficillimum intellectu, sed ob-

VIII.

obsoletum etiam, asperum, hirsutum, vnoque verbo detestabile.

Hac igitur mente, ignobili prorsus naturae vi concitati, ad pertinaciter fugiendos cultiorum litterarum thesauros certo quasi sacramento se obstrinxerant, sibique delegerant scriptorem, tanto magis, quod ad stilum attinet, vituperandum, quanto remotiorem ab eiusmodi dictiōnis ornatū deprehendimus, quo tot veteres Romanae rei publicae ciues, suo quodam iure, sempiternam sibi laudem pepererunt. Sed quis erat ille ipse scriptor, quem tanta sequabantur audacia? Non ignoratis Apuleium, Auditores, Africa oriundum, et saeculi, post natum Christum, secundi hominem, non indoctum quidem illum, monstrosa tamen ac tumida Latinitate abundantem, in conquirendis, ut nominantur vulgo, epithetis prae sedulum, deque nimio orationis flore, Sophistarum proprio, qui ad pompam atque ostentationem comparatus esse totus solet, infelicissime sollicitum. Hunc sibi, tamquam speculum, in quod perpetuo inspicerent, proponebant ante oculos: hunc non legebant frequenter, sed ediscebant propemodum: huius subinde glandibus, quam fruge denuo reperta, vesci malebant durioris palati conuiuae. Praecipuuſ inter eos corruptelae auctor, et antesignanus haud dubie, prohibetur Philippus Beroaldus, Bononiensis patria, qui nescio quas in Auctoris sui scriptis latere Veneres existimans, illud, quod de Plauto apud Fabium *) exstat, Apuleio etiam attribuere non erubuit, Musas scilicet eiusdem esse sermone loquuturas, si loqui Latine vellent. Festuum profecto et argutum de Apuleio iudicium, Auditores! Quasi vero hic solus custodiat, quicquid suavitatis,

*) QVINCTILIANVS *Inſtit. Orat. lib. X. cap. 1. p. 506.* edit. Gesner.

quic-

quicquid facetiarum humanis concessum ingenii est! Quasi ad hoc formati simus vnicē, vt, clariores licet fontes ad se nos inuitent, illorum tamen poetarum exemplo, quos priscus quidam pictor ea, quae Homerū euomuerat, audiis excipientes fauibus finxit, *) lutulentas Apuleii aquas haurire diligenter debeamus! Ego quidem, si meo res ageretur arbitrio, haberentque vota, quo caderent, peruelim certe, aut nunquam Latina Musae lingua vtantur, aut elegantiori verborum adparatu, et mascula magis facundia, instructae differere incipient. Facili nunc intelligetis negotio, Auditores pro sua quisque dignitate honoratissimi, quid occasionem potissimum dederit Ciceronomaniae. **)

Postquam enim isti corruptae orationis patroni saeculo, supra decimum, quinto sextoque regnum fere tenuerant, et voces, inter alia, ex Faunorum atque Aboriginem aetate collectas, sed proscriptas merito, in lucem conspectumque omnium, auctoritate dictatoria reduxerant: surgebant tandem, in Italia maxime, qui grauissimo ingemiscentes malo tam indigne turpiterque Latinas tractari litteras, ferre diutius moderato animo non poterant. Circumspicienda proinde remedia erant, quibus occurrerent pesti, vires iam maximas adsequatae; quod alia ratione euenturum ex voto esse desperabant, nisi Ciceronem opponerent Apuleianis, scriptisque ad illius stilum exultis effrenatam horum temeritatem coercent atque infringerent. Quod consilium, ad restituendam Latinae linguae dignitatem salutariter suscep-

bptum

*) v. AELIANVS *Var. Histor.* lib. XIII. cap. 22.

**) Confirmant, quae de Apuleianis differui, celeberrimus Vir, IAC. BVRCK-HARDVS, *de linguae Latinae in Germania satis Hannou.* 1713. 8. Tomo I. cap. 6. p. 458. sq. et DAN. GE. MORHOFIVS *in Polybistore litterario Tomo I. lib. 4. cap. 14. § 3. p. m. 906. edit. nou.*

ptum, quo pacto damnari explodique mereatur, ego sane non reperio. Quotus enim quisque tam rudis est, ingenioque tam hebeti, ut nesciat, Tullium castitate sermonis, copiaque ac pulchritudine superiorem habere neminem? Quotusquisque vel non ipse legit, vel audiuist ab aliis, antiquis iam temporibus a Quintiliano, peritissimo harum rerum iudice, scriptum fuisse: ille se profecisse sciat, cui Cicero valde placebit? Ita hoc peruulgatum est, nec lippis forsan ac tonsoribus incognitum, vt, si largius immorari huius viri laudibus vellem, verendum non sine cauſa effet, ne idem obiiceretur mihi, quod Antalcidas Lacedaemonius exprobrauerat quondam Sophistae, ad audiendum Herculis encomium eum inuitanti.

Verum enim vero quae esse solet mortalium indoles, vt rarissime mediocritatem seruent, iustosque intra limites sese contineant, de recta quoque via mox deflecebant isti Latinitatis vindices, et adeo se Ciceronis lectioне efferebant, adeo exardestebant ad imitationem eiusdem, vt se solos Phoebi sacerdotes crederent, et reliquos scriptores omnes tamquam stipites, aut si quid hisce excogitari vilius potest, reiicere, ac non sine supercilioso adspichernari viderentur.

Desideratis exempla, Auditores? In promptu sunt varia, quae memorabo Vobis, vt cognoscatis ipsi, dixerim vera, nec ne? Primum occupet locum Pater purpuratus, primus quippe inter eos, qui nimio Ciceronis studio inclauerunt. Ad Petrum Bembum, ornamentum alioquin saeculi sui, (inciderat autem eius aetas in decimum quintum, et quod excurrit,) ad Petrum, inquam, Bembum haec

haec pertinent, qui, obseruantissimus Tullii, uno eo Latinam terminabat linguam, qui ab eiusdem vestigiis transuersum vnguem recedere, aliasque usurpare voces, quibus ille vsus haud fuerat, grande putabat nefas, et morte pavidum, immo, quod mireris, qui tanti aestimabat Latinitatem suam, ex Ciceronis voluminibus anxie conquisitam, ut eam ne cum Mantuano quidem se commutare velle Marchionatu, profliteretur.*) Sed haec leuia haetenus: nouimus, quae imputantur eidem, grauiora. Tradidit enim SCIPIO GENTILIS, humaniorum olim ICTORUM nobilissima portio, eum audacter damnasse omnes Pauli, Apostoli, Epistolas, easque, per ludibrium, Itala voce *Epistolaccias* dixisse, et amico auctorem suisoresque, ut eas nunquam attingeret, vel iam lectas resumeret nunquam, si adscribendi venustatem, et oratoriam dicendi vim, adspiraret. **) Impie satis a senatore Patris Romani sanctissimi! Nolim tamen ego tanti eum criminis reum facere, quum, ut recte loco quodam IOH. CLERICVM ***) obseruare memini, nec amicum illum Bembi nominauerit Gentilis, nec ad idoneos, quibus haberi fides queat, hac in

b 2 re

*) v. POPE-BLOVNT in *Cens. celebr. auctior.* p. 555. 556. BATLE *Diss. hist. et crit. art. Bembus, VVALCHII V. C. Historia Critica Lat. Linguae cap. XIII.* p. 726. edit. nou. DAN. FRID. JANVS in *Diss. de nimis Latinit. studio Lips.* 1711. adiuncta eiusdem libello *de doctribus umbraticis* *Vit.* 1720. 8. ut taceam plures auctores.

**) GENTILIS *Comment. in Epis. ad Philemon. cap. XVIII.* et THOM. LANSIUS in *orat. contra Italianam* apud POPE-BLOVNT l.c. cf. IO. CHRISTOPH. VVOLFII *notae ad Casauboniana* p. 242. sq.

***) v. BIBLIOTH. CHOISIE T. I. pag. 344, vbi haec: Scip. Gentil auroit dû dire, à quelquand Bembe dit, où écrivit une semblable chose, et en donner de bonnes preuves. Car il y a dans ces paroles non seulement de l'impétè, mais aussi une si grande imprudence, qu'on a de la peine à se persuader, que Bembe, qui étoit Italien, et qui connoissoit le monde, l'ait plus commettre. Ces accusations vagues sont bien souvent de pures calomnies.

re testes prouocauerit. Et ex eadem quoque ratione per-
suaderi mihi vix patiar, ea, quae addi a nonnullis solent,
ex Bembi ore vel calamo excidisse, nunquam se peius
collocasse tempus, quam in legendō sacro Codice. *)
Quocunque autem modo se res habet, quid vetat, quo
minus suspicemur, non de rebus, non de aureis Dei ver-
bis, haec intellexisse Bembum, sed de Latina potius ver-
sione, eaque vulgata, quam nemo facile inter elegantio-
ris stili libros retulerit? **)

Quemadmodum igitur Bembus solum esse Cicero-
nem existimabat, qui semper in manibus versari, qui pla-
cere domi, qui delectare foris, qui pernoctare nobiscum,
peregrinari, rusticari deberet; ita etiam eo intendebat
ingenii neruos omnes, ut in partes suas pertraheret alios,
et hoc ipso opinioni, quam animo imbiberat, plus pon-
deris atque auctoritatis conciliaret. Neque optato con-
silium successu carebat. Aderat enim, qui obedientiam
sponderet, religiosissimus sectator, Christophorus Lon-
golius, in pleno salis, lepidoque illo Erasmi dialogo, cui
Ciceronianī nomen dedit, praecepue, ut videtur, tradu-
ctus. *** Hunc, adolescentem adhuc, omnes, qui exstant,
veterum

*) Idem vulgo de Angelo perhibetur Politiano, viro saeculi XV. incomparabili, simulque hoc subiungitur, eum odas Pindaricas longe praferendas psalmis Davidicis dixisse. Sed hominis integratatem felicissime detexit, et narrationem hanc, fundamento desitutam omni, explosit illustris Vir, FRI-
DER. OTTO MENCKENIVS, *in vita Politiani Lips.* 1736. 4. p. 432. sq.
quo in opere dubium profecto est, magisne mirati stili elegantiam, an rerum exquisitissimarum libertatem, debeamus.

**) v. IOH. FABRICIVS *in Histor. Biblioth. sueæ*, P. III. p. 79. et BVDDEI
Isag. ad Théol. uniuers. lib. priore cap. 4. § 3. p. 110.

***) Vtor ego exemplari, quod prodiit *Lugd. Bat.* 1643. 12. Tam belle au-
ctor ridiculos Ciceronianorum mores depinxit, ut nemo sine summa animi
voluptate ab huius libelli recedere lectione possit.

veterum Romanorum libros strenue peruvolutantem adeo mox, firmata paullulum aetate, adfixum Ciceronis operibus vidisses, vt nec minis vllis, nec Attalicis etiam conditionibus, dirnoueri ab iisdem depellique potuisset. *) Quid praeterea, exoptatissimi Auditores? Adpropinquabat extrellum rerum, mors: colligendae iam sarcinulae erant, anima in primoribus veluti labris constituta. Nonne tunc opus erat quam maxime, vt grauiora meditaretur Longolius, vt in posterum prospiceret, deque aeterna magis felicitate, quam de scriptis suis, angeretur? Sed altiores omnino radices egerat immodicus in Tullium amor. Etenim temperare sibi non poterat, quin commendaret amicis, vt, quae prius, verbis vndique arcessitis, scripta edidisset opuscula, illa penitus abolerent. **)

Quid de Paullo Manutio dicam, quem integros saepe menes in elaborandam impendisse epistolam, refecunt vna cum Scioppio non pauci? ***) Nemini hoc mirum videbitur, qui, vt res ipsa postulat, considerauerit, cum in chartam coniecissem primum animi sensa, post se posuisse haec in aliquot dies, tum relegisse ter et amplius, formularum, ex Cicerone decerptarum, indices consuluisse, vertisse stilum, deleuisse, mutasse, addidisse. Quae vero tantum abest, vt de vniuersis huius viri epistolis adfirmari posse probarie contendam, vt legerim potius va-

b 3

rias

*) v. CASP. SAGITTARIUS in opusculo *de lett. atque imitat. Ciceronis*, p. 53.

**) v. IAC. EVRCKHARDVS libro supra laudato, p. 465. quo loco ex eleganti DAVID. PEIFERI Commentatione de Latinitatis Magistris ea commemorat, quae hue pertinent.

***) DAN. GE. MÖRHOFIVS in *Polybist. Tom. I. lib. I. cap. 23. n. 57.* p. 282. edit. nouiss. cf. idem *de Patauinit. Liuiana cap. XIII. in f. ERA-SMVS in Ciceroniana p. m. 128. et 140.* iteaque GVNDLINGIVS de numero oratorio, in *Gundlingianis P. XXVIII. p. 232.*

rias, ex quibus adparet luculenter, cum prosperam rarius contigisse Manutio valetudinem, tum breuissimum non nunquam temporis spatium concessum scribenti fuisse.

Transeo ad Andream Dudithium, Quinque ecclesiensem aliquando Episcopum, eodemque tempore, quo Manutius vixit, illustrem, *) qui ex incredibili in Ciceronem studio libros eius omnes, at quanta volumina! ter manu sua, nec sine ingenti delectatione, descripsit:**) non alio, quantum coniiceret licet, consilio, quam quo verba illius, figuras, numeros, et generatim elegantias quascunque, certius atque facilius memoria retineret.

Eodem pariter morbo Lazarum implicitum fuisse Bonamicum, oratorem Patauinum, paſſim legitur. Māluit ille cum Tullio loqui, quam esse Pontifex Romanus,***) quibus verbis quid, quaeso, proferri praeclarus potest? quid glorioſius? quid ad commendandam Ciceronis elo-

*) v. de eo *Observat. select. e Halens. Tomo V. obs. II.* quae auctorem BVDDEVM habet, vii me docuit STOLLIVS in *notitia libror. Biblioth. suae*; P. XII. p. 429. Addatur summe venerabilis VVALCHII *Hifor. Crit. Lat. Linguae* p. 688. edit. nou.

**) Stimulatus forte exemplo Demosthenis, qui Thucydidem decies descripsisse dicitur. v. MORHOFII *Polyh. T. I. lib. 6. c. 2. p. 958.*

***) v. PETR. REINHARDVS de eo, quod in *Latinitate minus*, et *nimum est*, in *Tomo VII. Miscellaneor. Lipsiens. a Pezoldo collectorum* p. 284. ANDR. IVL. DORNMEIER in *Diff. de vitiis Ciceronis imitatore*, adiecta Vorstiano libro *de Latinitate selecta*, vulgo *suspecta*, s. LXVIII. pag. 315. edit. Gesneriana, BVDDEVIS in *Isag. ad Theol. uniuers. lib. I. c. 4. p. 113.* et VVALCHIVS l. c. pag. 727. Superbia hominis vel ex sequenti loco apud MORHOF. de Patauin. *Liuiana*, p. m. 577. *Dissertationum*, cognosci potest: illud sane lepidum est, inquit auctor, quod Georgio Fabritio Patauui eximiā latine loquendi peritiam in Melanchthonē dilaudanti Lazarus Bonamicus respondit: profecto ille homo incipit loqui: quasi Melanchthon, si cum Italis conferatur, tantum balbutiat, cuius tamen latinitas adeo nitida et pura est, ut maiorem, quam illa Italorum dictio, ingenuitatem et aequitatem spiret.

eloquentiam adcommodatius? Quanti hunc animi fuisse
putatis, spectatissimi Auditores, qui, ut minore fruere-
tur laude, maximos etiam honores, dignitatem in coetu
Pontificio supremam, (quamvis oblatam nondum,) liben-
tissime promptissimeque repudiauit?

Nulla quoque iniuria fieret Iacobo Sadoleto, Ma-
rio Nizolio, *) Paullo Cortesio, **) et, qui versione sua
Codicis sacri, quum purae dictionis iusto eslet studiosior, di-
uinarum litterarum auctoritati plurimum detraxit, Sebastia-
no Castellionis, ***) si eos omnes iam persequerentur, et quam
seruili se modo Ciceroni addixerint, vberiore sermone
declararem. ****)

Sed

*) Tanta huius viri in Ciceronem summum veneratio fuit, ut etiam singulari Opu-
sculo Coelium Calcagninum perstrinxerit, propterea, quod is in disquisicio-
nibus ad Tullii de officiis libros editis, Ciceronem impugnarat. Quasi solus
hic auctor errare nunquam potuerit! v. IO. ALB. FABRICII Biblioth. Lat.
Vol. I. p. 124. edit nouiss.

**) Ille unum saltim, eumque Ciceronem, imitandum duxit, et mutata,
quam primum animo conceperat, sententia, sic tandem ad Politianum,
cum quo illi, huius rei causa, controversiae non nihil fuerat, scriptis:
ego malo esse affecta et simia Ciceronis, quam alumnus, aut filius, aliorum.
vid. Epistol. Politiani lib. VIII. epist. 17. p. m. 312. et celeb. MENCKENIVS
l. c. pag. 196. sq.

***) v. PETR. DAN. HVETIVS de claris interpretib. p. 190. POPE-BLOVNT
in Cens. celebr. auct. p. m. 701. et BVDDEVS in Isagoge, libro poster. c. 8. p. 1540.
Magno tamen adparatu eum defendere studuit venerab. VVOLLIVS in Diff.
critica de eo, quod pulchrum est in versione Castellionis, nouae editioni versio-
nis illius praemissa, § VIII. sq.

****) A non nullis etiam inter Ciceronianos referri solent Marc. Anton. Maioragi-
gius, et Marc. Anton. Muretus. Et verum quidem est, Maioragium, qui
primum Antonius Maria Comes dicebatur, purae Latinitatis amore incensum,
hoc immutasse nomen, tamquam barbarum, auribusque Romanis insolens,
vti commemorat illustris vir, AVGVSTIN. a LETSER Medit. ad Pand. Vol.
IX. p. 802. Interim tamen tantum abest, ut superstitiosus Tullii cultor fuerit,
vt alia potius ex oratione eiusdem adpareant, quae de modo proficiendi in elo-
quentia inscribitur, et in orationibus coniunctim editis decima sexta est. Ita
enim p. 402. edit. Coloniensis d. a. 1614. differit: Si quis Caesarem tantum at-

Sed mittam hos, paucisq[ue] adhuc ostendam, quanta et nimia hac Ciceronis imitatione prouenant ineptiae, quanta incommoda enascantur.

Ac primum quidem largientur mihi, quicunque mortalium conditionem perspectam rite habent, non omnia, quae magni grauesque auctores dixerunt, adeo perfecta esse, numerisque suis ac partibus expleta, ut limam in eorum operibus desiderare nemo debeat. Cui enim lassitudo nunquam obrepit? quis non dormitat interdum? vel quis minimum eodem semper animi vigore, eadem alacritate gaudet? Quae quum ita esse quotidiana doceat experientia, Tullius etiam, sub eo licet vniuersa eloquentiae vis eruperit, suis tamen vitiis laborat, nec mendis caret, quibus illius scripta inquinavit librariorum inscitia. Haec si quis probet, *) si quis ad suum transferat stilum, nonne, quæsio, inepte agit, aliisque ludibrio est? Petro illud Bembo euenit, qui semel persuasus, nil nisi aurea, cedroque digna, Ciceroni excidisse, vocabulum *multissimus*, apud eundem repertum, tamquam Ciceronianum secure usurpauit. Postquam autem et MStis, iisque sinceris, Codicibus obseruarunt Critici, non scri-

psisse

que Ciceronem lexitaret, alios autem omnes optimarum artium scriptores contemneret, quales ego nonnullos agnosco: is certe nunquam inter eruditos enumeraui posset. Quamuis enim elegantem ac politam sibi fortasse dicendi facultatem pararet: tamen si quis diligenter aduertat, in eius oratione nullae vires, nulli nervi, nulla solida doctrina, nulla denique recondita eruditio, sed verborum tantum ornatorum volubilitas, et in anis quidam cum iucunditate sonus perspicietur. Quod sane in Christophoro Longilio, quem unum maxime Ciceronianum esse volunt, apertissime videre licet etc. Ad Murecum autem quod attinet, ita eius causam egit IAC. THOMASIVS in praefatione, orationibus eiusdem praemissa, ut, qui aliquid monere contra possit, futurum ego credam neminem.

*) cf. DORNMEIERVS in Diff. iam memorata de vitioso Ciceronis imitatore § XXVIII.

psisse Tullium ex *multissimis miseriis*, sed potius ex multis
meis miseriis, adparuit simul, corruptam hanc lectionem
Bembi perstrinxisse oculos, eique turpiter imposuisse. *)

Si porro res contemplemur, eiusmodi exprimendas
verbis, ex quibus veram illarum significationem commode
liceat intelligere: fieri profecto non potest, quin et hic
superstitiosi Ciceronis imitatores labantur haud raro, et iis,
quae clara sunt atque perspicua, quasi noctem aliquam im-
prudenter offundant. Quot enim hodie res habemus, Ci-
ceronis aevo penitus incognitas! Quas qui verbis eius de-
finire atque explicare voluerit, nae ille nimium se torque-
bit, sudabit nimium, ac denique, exantlato labore inutili,
eam lectoribus adferet molestiam, ut vel plane non, vel
difficillime saltim, cogitationes scriptoris adsequantur.

Larga se hic exemplorum seges in Bembi praecipue
scriptis offert. Nemo nescit, quid in rebus diuinis signi-
ficet fides: at ille maluit Ciceroniane loqui, quam Chri-
stiane, ideoque in eius vocabuli locum *persuasio* substituit.
Iesum, seruatorem nostrum optimum maximum, vel *be-
roa* vocat, vel *patrem patratum*; Apostolos eius *patres et con-
scriptos*; ecclesiam *rem publicam Christianorum*; sacrum
Codicem *antiquas litteras*; excommunicationem *aqua et
igni interdictionem*; peccatum *animorum contractam labem*;
aggerem terra *turrim terream*; Ludouicum, Gallorum
quendam Regem, *Aloysium*, addita faceta hac obseruatio-
ne: *quem isti* (barbari scilicet, qui non ita, ut Bembis, La-
tinam callent linguam,) *Ludouicum adpellant*. Si dixerimus:
peccata morituro condonantur, quis est, qui nos minus ca-
piat? Bembo sordet haec formula. Illa se magis com-
mendat: *Dii superi, manesque, morituro placantur.* No-
lim

c

*) vid. IOH. G OTTL. HEINECCIVS in *Fundam. filii cultioris P. III. c. 1. § 14.*
p. 348. edit. Gesner. et IOH. NIC. FVNCCIVS de lettione auctor, classificor. Lem-
gou, 1730. 4. cap. V. § 8. p. 60. cf. cap. VIII. § 4. p. 100.

lim ego scribere: spiritum sanctum oravi. Bembus, si adhuc esset in viuis, cohorresceret sine dubio, irasceretur, insignis me ignorantiae accusaret: nunquam enim haec talia ex diuino Ciceronis ore fluxerunt. Meliora docet purae dictionis admirator. *Diuinæ mentis, vel Zephyri coelestis, auram suppliciter sum precatus, hoc Latinum, hoc elegans est, et ad stylum Tullii compositum felicissime.* *)

Titianum nominatum fuisse sui temporis simiam, quod cuncta esset imitatus, IVLIVS CAPITOLINVS **) memoriae prodidit: ego, quin idem indicium in Bembum, ac reliquos eius socios, iure conueniat, eo minus dubitauerim, quo euidentioribus id ipsum speciminibus me comprobasse existimo. ***)

Quem vero eius conditionis homines indefessi huius studii fructum ferunt? Quibus praemiis, quo plausu compensatur isthaec imitandi sollicitudo? Experiuntur id, quod de Calvo eleganter pronunciat Tullius, ****) ut, dum metuunt, ne vitiosum colligant sanguinem, etiam verum deperdant. Hoc enim tam diuturno ingratoque negotio, tantis curis atque vigiliis, quales ne hostibus quidem imprecer, castam quidem dictionem acquirunt plerumque, sed aridam simul eandem frigidamque reddunt: nerui deficiunt

atque

*) V. IVST. LIPSIVS *Misc. Epist. cent. II. epist. 57.* et IOH. CLERICVS dans la Bibl. choisie Tom. I. p. 318. seq. CHRIST. BECMANVS in *Manud. ad Lat. linguam, Hanouiae 1629. 8. mai. cap. X. p. 64.* et, qui de Castellione non nulla, eiusdem generis, profert, GER. IOH. VOSSIVS *Instit. Orator. lib. IV. c. 3.* itemque DORNMEIER. l. c. § XLV. ubi tandem magno, inquit, *id argumento est, etiam inter Latinitatis cultores esse*, qui subinde ineptiant, risu, quam laude, hac quidem in re, digniorc; *quos tamen, si quis miserabitur potius, quam rident, beneficium adficit tribuet.* Add. CHRIST. HENR. VVESSIUS de filo Romano, *Chemnitii 1724. 8. lib. II. p. 132. seq.*

**) In *Maximio Iun. p. m. 268.*

***) Acerbiore de Ciceronianis voce vsus est Io. Passeratius, quo s quippe *Ciceronianos* vocavit, referente illustri BERGERO in *praefat. ad librum de pulchritudine naturaliorationis Lips. 1719. 4. pag.* si numeres 78.

****) In *Bruto cap. LXXXII.*

atque succus, praestantiores extinguntur ingenii scintilæ, fugiunt gratia et venustas, ex quo consequitur tandem, ut lectores, quodam oppressi languore, obdormiscant paullatim stertantque. *) Ratio non longe debet arcessi. Mira est ingeniorum diuersitas, quae genera orationis producit itidem diuersa. Ille sublimem amat stilum, atque splendidius exfurgentem, hic tenuem suscipit, et ab omni alienum pompa: ille abundanter et copiose loquitur, hic breuiter strictimque mentem exponit suam: alius facetiis delectatur et iocis, alius ad grauitatem potius, et ad seria tantum, natus esse factusque videtur. Fingamus igitur, Auditores, quendam in seruili Ciceronis imitatione dies noctesque consumere, qui ad Laconicum dicendi modum ipsa natura fertur, quid aliud unquam efficiet, quam ut eum aduersus genium suum pugnare, inuitaque imitari Minerua, manifesto comperiant omnes? **) Quamquam enim non diffiteor ego, reperiri quodammmodo in Tullii scriptis posse vniuersa haec stili genera, hoc tamen verissimum omnino atque certissimum est, libertatem cum primis seueritatemque laudatissimo viro adeo esse propriam, ut inter pluriima, quae peperit eius ingenium, haec tantum non sola eluceant.

Illud etiam silentio praetermittere nulla ratione possum, eos, qui in vnius Ciceronis verba iurarunt, pessime de-

C 2

re-

*) cf. hic Auctoris cuiusdam dialogus, qui inscribitur *Cicero relegatus et revocatus*, ac libro Vorstiano de *Latinitate seletta adiectus* est, p. m. 329. vbi haec potissimum leguntur: attende, quæso, animum, et vide, quotquot Ciceronem sibi imitandum proposuerunt, (sermo autem de iis tantum esse videtur, qui nimii fuerunt Ciceronis imitatores) si non omnes sunt aridi, ieunii, squallidi, meticulosi, exsangues, sine nervis, sine coloribus, aut steriles, aut imbecillum partum edentes etc.

**) vid. HEINECCIVS in *Fund. Stili P. I. c. 2. § 42. p. 134.* edit. Gesner. et summe venerab. MOSHEMIVS in *elegantissima præfata de linguae Latinae cultura et necessitate, addita Folijeta libris de linguae Latinae usu et præstantia,* Hamb. 1723. 8. §. XI. p. 27.

reliquis scriptoribus, stili nitore spectatissimis, mereri^{*)}) Etenim dum valere hos ipsos iubent, et a se procul recedere; adeo relictos ab ingenio esse, naturaque iam senescente productos, arbitrantur, ut, quae sana, quae pulchra, quae grauia sunt, remota ab iis longissime fuerint. Quae res, difficile dictu est, quam absonta sit, quantumque bonitati diuinæ aduersetur, quae quippe non in unum hominem, sed in plures alios, elegantiam sermonis ac suavitatem effundere voluit. Quidni ergo Terentium, Nepotem, Caesarem, Liuium, Velleium, Plinios, et quotquot suis in dicendo virtutibus, veluti luna inter minores ignes, emicant, quidni hos ita liceat adiungere Ciceroni, ut, in quo quisque scriptorum fortior est altero et venustior, in eo postponendos esse caeteros iudicemus? **) Quidni ad usus feligamus nostros ac reseruemus, quicquid excellenter dictum siue a Cicerone, siue ab alio, videbitur: haud secus ut apes, quae mira sedulitate circumvolant, et per laborem plurimum non ex uno frutice, sed ex variis floribus, decerpunt mella, et in cellulis suis recte atque ordine disponunt?

Quantum denique temporis misere perdunt, et e manibus elabi patiuntur, illi homines, qui tam molesto labore Ciceronis auecupari verba solent! Quot bonaे sententiae effugient interim! Quot scripta, quae amplificare litteras, vel quasdam saltim illustrare partes earundem possent, prorogantur in dies! Quot saepius adfecta manent! Quot minimum, si prodeant aliquando integra, ita prodeunt, ut praeter formulas Tullianas, ex solo forsitan Nizolio, aliis-

^{*)} cf. MVRETVS. *Variar. lection. lib. XV. cap. 1.* in quo hac ipsa de re mentem suam prudenter solideque exponit.

^{**) QUINTILIANVS Inst. Orat. lib. X. cap. 2. p. 514. edit. Gesner. Quid ergo, inquit, non est satis, omnia sic dicere, quo modo Marcus Tullius dixit? Mibi quidem satis esset, si omnia consequi possem. Quid tamen nocet vim Caesaris, asperitatem Caelii, diligentiam Pollio*n*is, iudicium Calui, quibusdam in locis assumere?}

ue indicibus, coaceruatas, fere nihil insit, quod ad communem spectet utilitatem, lectorumque rationibus illa ex parte conducat. Quorsum autem haec tota oratio, Auditores O. O. honoratissimi? Tantaene me imprudentiae, tantaeque temeritatis esse creditis, ut mortuo insultare leoni, qui per tot saecula in summo fuit ethonore et pretio, eum ego virum de quieta laudis possessione deiicere, ac stili elegantioris studiosos reuocare ab eiusdem imitatione dehortarique constituerim? Deus meliora, quibus! Alia iam ex me audiuitis, quae hac me suspicione absoluunt. Manet, Auditores, manet Cicero, et, dum ipsae super erunt Musae, manebit decus Latii, manebit illi parta eloquentiae fama, quam sibi iure vindicat. Euoluatur igitur, legatur, expendatur: si quid occurrat, quod cum primis placet, quod miram prae se fert elegantiam, illud in succum conuertatur et sanguinem. Neque vero ea hoc superstitione fiat, qua Bembus, Longolius, aliquique fecerunt, quos et ipse Cicero, gloriae alioquin audior, quam satis erat, rideret suauiter, si ex cineribus suis redire in vitam, eorumque spuriam imitandi rationem perspicere paullo adcuratius posset.* Sic imitemur virum summum, quemadmodum imitatus ipse est Demosthenem, Isocratem, Platonem, Hortensium: sic ponamus nobis eundem ante oculos exprima-

* Praeclara sunt, quae exstant apud MELCH. IVNIVM in orat. de imitat. Ciceronis, Oration. T. IIII. in fine: Erit igitur, studiosi adolescentes, ad quos mea potissimum haec oratio spectat, Ciceronis vobis imitatio curae ac cordi: sed ita, ne illorum rationem approbetis, qui illico, Germ inos se Ciceronis arbitrantur, cum periodorum in initii, et clausulis, certis voculis utuntur: repetunt trebro. Etsi: Quamquam: Si quis vestrum: Claudunt sententias particula, videatur. Non illius quoque institutum sequemini, qui cum in Epistola quadam Ciceronis legislet: accumbetam hora nona: Ciceronianum se se foro arbitratus est, si non nisi hora nona accumberet. Neque eorum studium commendabitis, qui in externis saltim quibusdam confidere imitationem censem, ideoque simiae potius, quam veri Ciceronis imitatores habentur etc.

musque, vt Aonius solebat Palearius,^{*)} et hac nostra aetate viri quidam longe doctissimi consueverunt. Habemus nimirum, et utinam habeamus diu! Schwartzios, habemus Kappios, habemus Gesneros atque Ernestos, qui ornant pulcherrimo dicendi genere patriam, et amantissimi sunt Tullianae facundiae, sed ingenua quadam et liberali, non seruili atque anxia, imitatione ^{**) ad eam, qua florent, nominis celebritatem, propitiis Musis, peruererunt.}

Horum laudabilem in lectione oratoris eximii prudentiam de meliori commendabo nobilissimis illis iuuenibus, qui illustris huius Augustei ciues erunt, meaque se committent fidei. Factum enim est diuina prouidentia, Principisque nostri Serenissimi, Domini IOHANNIS ADOLPHI, clementia, vt mihi eo ipso tempore, quo Hamburgi, cuius florentissimae vrbis meminisse dulce est, alia meditabar, honorificum Professoris ordinarii munus demandaretur. Quod quo gratius mihi iucundiusque accedit, homini quippe, qui nihil magis habuit in votis, quam vt docendo scribendoque consumere posset aetatem: eo sane acriores iam sentio stimulos, eo vehementius ad illa rite peragenda impellor, quae pietatis in Deum, quae demissionis erga optimum Principem leges exposcunt.

Tibi proinde, AETERNVM NVMEN, propter innumerableria, quae per totum vitae cursum, et hoc praecipue anno, larga in me manu congeffisti, beneficia, maximas persoluo habeoque gratias: Tibi attribuo vnice, quod in-

ge-

^{*)} MORHOFIVS in *Polyhist.* T. I. lib. 1. c. 23. n. 55. p. m. 282. ita iudicat, et rete quidem, de Palacio: *Hic mihi quis discrimen imitationis videat: nam longe aliter sonat, quo d. Palearius scribit, quam Longolius, et alii incepti Ciceronis imitatores.*

^{**) In} mentem hic veniunt GER. IOH. VOSSII verba de imitatione cap. IIII. § 3. pag. 117. Opp. Tomo IIII. vbi haec: *ingenuam imitationem adpello, quando non verbum verba reddimus, sed sic aliena tractamus, ut non in alterius professionem irruisse, sed iure nostro venisse, credamus: quaeque aliena sunt, ob dissimilem faciem non pro alienis habeantur, sed agnoscantur pro nostris.*

genium mihi sit ad tractandas litteras excolendasque non
plane ineptum, quod sano corpore ac robusto, sine quo
sua mens alacritate destituitur, usus perpetuo fuerim,
quod conciliauerim mihi, qui subuenirent rebus meis,
patronos complures, et, ne hoc etiam relinquatur inta-
ctum, quod tam feliciter mihi honesta successerint consilia, ut
ne fingere quidem et optare meliorem vñquam euentum
potuisse. Ardentissimis autem Te, SVMME DÉVS, preci-
bus imploro, velis posthac itidem adesse mihi propitius, ut,
quam Tu nutu, Tua auctoritate adgredior nunc prouin-
ciam, eam diligenter curem, prudenterque tuear, et ad
nominis Tui sanctissimi gloriam, publicaeque rei pro-
speritatem in iis, quae moliar, quae docere tentabo, re-
spiciam. Quodsi enim, quae verba LACTANTII *) sunt,
vita est optanda homini, nullam aliam ob caussam viuere
optauerim, quam vt aliquid efficiam, quod vita dignum
sit, et quod vtilitatem hominibus adferat.

Post Deum accedo ad Te, SERENISSIME PRINCEPS,
Patriae Pater, huiusque celeberrimi Gymnasii Nutritor
Indulgentissime: accedo, inquam, ad Te, et omnem,
quae a grato exigi sperarique ciue potest, animi demissio-
nen, insolita affectus laetitia, effundo. Probasti nuper
et confirmasti illam sententiam, quam peritissimi rei lit-
terariae Quatuoruiri **) de qualicunque mea doctrina di-

*) *De Opificio Dei cap. XX.*

**) Fuerunt illi Vir perillustris et excellentissimus, CAROLVS GOTTLÖB de
BOSE, Senatus sanctioris et Regiminis, itemque Consistorii Querfurtensis
Director grauissimus, quem nunc, proh dolor! immatura mors nobis eripuit;
Vir illustris et excellentissimus, AVGVSTVS IVST, Consiliarius intimus, et
Camerae Director, quem studiorum meorum Maecenatem demissi suspicio;
Virique maxime venerabiles, ac de re sacra insigniter meriti, IOHANNES
CHRISTIANVS STEMLERVIS, et ERNESTVS GÖDOFREDVS BREHMI-
VS, quorum ille primarius in aula Serenissimi Principis nostri Sacerdos, Con-
siliarius ecclesiasticus, Consistorii Adseffor, et in terris Querfurtensibus Super-
intendens, vt vulgo dicitur, generalis est: hic, itidem Consiliarii ecclesiastici.
et in Consistorio Querfurtensi Adsefforis, dignitate ornatus, nostrae simul ciuita-

xerant, ac deinceps, pro incomparabili, i qua fulges, gratia, vacuefactum quendam in hoc Musarum et bonae mentis sacrario me occupare locum iussisti. O beatum me, qui talis nunc Principis imperio subiectus viuam, cuius tenerissimus in ciues amor, cuius mansuetudo erga alios, cuius iustitia, cuius in bello fortitudo ac dexteritas, cuius de flore studiorum et conseruando, et augendo, cura incredibilis tot hominum sermonibus praedicantur, quodque omnes omnium laudes complectitur, cuius glorioissimi Maiores ex potentissima Domo Saxonica nati fuerunt! Tribuat Deus, tribuat dignam clementiae Tuae vicem, summotisque incommodorum periculis compenset eam cum his, quae in terrarum orbe putantur optima: in primis autem Te seruet, Domine, seruet Coniugem Serenissimam, ac diuinitus donatam, seruet Celsissimam Filiam; at lacrimosis quoque Tuorum votis annuat, quorum haec summa est, ut prolem mox virilem, Tui simillimam, vides et osculeris, quae post seros annos ditionem capiat patriam, magnique Parentis virtutes ad infinitam transmittat posteritatem! Nihil habeo quod addam, praeter preces, religiosissimo mentis cultu conceptas, ut Tua illa, AVGVSTE PRINCEPS, gratia, nec laudanda satis nec aestimanda, cuius exoptatissima iam signa conspexi, frui porro et gloriari Tuum patiaris seruum, quo licet beneficio omnium, quos ad aliquam dignitatem prouexisti, sim indignissimus, fide tamen et obsequio, demississime Tibi exhibendo, nemini, quisquis ille fuerit, quicquam concedam.

Saluete nunc Viri amplissimi, ac doctrina et meritis, adiectorumque locorum, Antistes, et nunc Theologiae quoque in illustri Augusteo Professor Ordinarius, salutatur. Hos dignos laude viros, amantissimosque mei, Clementissimus Princeps constituerat, ut de Gymnasio emendando essent solliciti.

tis excellentes, Fautores atque Collegae maximopere suspiciendi ! Et honori mihi duco, et voluptatem percipio non mediocrem, quod ita mecum agere voluit rerum humanarum moderator, vt suauissimo vestro interesse concilio, et in hac ipsa cathedra, quam ante Vos duo Schieferdeckeri, pater et filius, adfinitate mihi coniuncti, mirifice ornarunt, vestros labores, ad vilitatem publicam suscipiendos, subleuare meis in posterum liceat. Nostis omnes, quantum illustre hoc Gymnasium, a Gloriosissimo AVGVSTO sapienter constitutum, Serenissimo Principi nostro debeat, cuius munificentia, tam luculentis comprobata speciminibus, in saecula ibit, iustumque aliquando annalium partem conficiet : nostis haec, Viri optimi, et mecum pro eo, ac decet, collaudatis : sed noui ego etiam, quam singulari studio, quam praeclara contentione Vos entamini, vt clementissimae Principis voluntati satis fiat, quamque per octoginta fere annos hic Musae sedem habuerunt, eam iucundiores in dies et feliciorem experiantur. Premam igitur, quantum in me est, vestigia vestra, et eandem mihi legem insculptam in animo esse arbitrabor. Vos modo, quod enixe rogo, in vestram me recipiatis familiaritatem, Vobisque persuadeatis, malle me hac prorsus carere lingua, quam benevolentia illa atque integritate, qua me complexi estis, abuti, et otia vestra, mansuetiorum litterarum culturae consecrata, indecoris altercationibus perturbare.

Dum autem Vos intueor, Generosi Nobilissimique Iuuenes, Ciues illustris Augstei politissimi, verba me deficiunt propemodum, quibus meum vestris inferuendi commodis ardorem declarare paullo apertius possim. Ostendam ergo re ipsa, nihil mihi prius esse, nihil antiquius, quam ut aliquando, in Academicis currentes stadiis, intelligatis,

gatis, non lusisse Vos operam, in meis praelectionibus consumtam. Vobis me deuoueo totum: huc omnia conuertam consilia, huc, quicquid facultatis mihi et doctrinae inest, dirigam, ne, si docuero, fidem desideretis, diligentiam, perspicuitatem, neue, quod indignum omnino esset hac saeculi nostri luce, amoeniores artes quasi Syrtes ac scopolos praeteruehamini, adeoque altiores disciplinas illotis, quod aiunt, manibus contrectetis. Tria sunt necessaria, si quis haud vulgaris eruditionis fieri particeps voluerit. Primum audire, et attente quidem, eorumque auersari morem debet, qui lectiones frequentant quidem, sed aut nugas interim agunt, aut animo peregrinantur, aut, quod longe grauius est, obstrepunt audientibus, et ipsius saepe doctoris mentem e tranquilla sua sede statuque depellunt. Tum requiritur optimorum scriptorum lectio, priuatos intra parietes, singulis diebus, instituenda, ita tamen, ut ingenii subinde vigor crescat, ut iudicium acuatur, ut memoria exerceatur, et magnas verborum ac rerum diuitias paret. Denique vacandum etiam scriptioni est, ut animi nostri sensa eleganter apteque exponamus, et, quae didicerimus, ad communem ac diuturnum proferamus usum, illisque, quibus viua prodesse voce non licet, beneficio stili opitulemur. Haec, o mei! quin strenue obseruetis, cur dubitauerim ego, quum Vos, erectioris indolis iuuenes, studiorum, non otii, caussa sciam ad hanc omnes ciuitatem confluxisse? Pergite, dum, quod ille ait, *) integer adhuc aei sanguis est, solidaque suo robore vires stant, pergit, quaeso, hac, qua bene coepistis, via, Deoque confisi certissimos et amplissimos laborum vestrorum fructus exspectate, qui tanto esse dulciores solent, quanto difficilior non nunquam eorum perceptio videtur.

*v. VIRGILIUS *Aeneid. lib. II. v. 638.*



www.books2ebooks.eu